

RIMBA RANTING
Buff-breasted Babbler

FAMILI: Timaliidae
NAMA SAINTIFIK: *Pellorneum tickelli*

CIRI-CIRI

Sub-spesies *P.t.fulvum* hampir sama seperti Rimba Riang, *Malacocincla abbotti*. tetapi mempunyai ekor yang lebih panjang dan paruh yang lebih tirus. Bahagian atas badan adalah lebih pudar dan lebih coklat kehijauan. Bahagian tepi kepala berwarna kuning pucat dan pada dada terdapat jalur-jalur yang agak gelap. Bahagian kaki pula berwarna merah jambu. Panjang keseluruhan bagi individu dewasa adalah di antara 13.5-15.5 sm.

MAKANAN

Secara umumnya, diet speises ini terdiri daripada serangga dan lain-lain invertebrata tetapi ada sesetengahnya yang memakan buah-buahan kecil, biji-bijian dan madu pada bunga.

HABITAT

Habitat yang sesuai bagi spesies ini ialah di hutan dipterokarp, hutan sekunder, hutan buluh, hutan daun luruh sehingga ke ketinggian 1, 550 m dari aras laut.

BUNYI

Spesies ini mengeluarkan bunyi *wi-twee* atau *wi-choo* yang kuat, nyaring dan berulang. Kadangkala, bunyi ini diulang tanpa henti seperti *witweewitweewitwee* atau *wituituituit*.

PEMBIAKAN

Musim pembiakan bagi spesies ini adalah di antara bulan Februari hingga Julai. Individu betina boleh menghasilkan 3-4 biji telur berwarna putih hingga kelabu kehijauan pudar dengan bintik coklat kemerahan, kadangkala dengan tanda berwarna ungu. Sarangnya berbentuk seperti kubah, separa kubah atau cawan yang dalam yang dibina pada permukaan tanah atau pada vegetasi yang rendah dari 30 sm-1.5 m dari tanah.

STATUS

Akta 76/72, dipelihara sepenuhnya.